

Treći energetska samit, podržan od Američke agencije za međunarodni razvoj (USAID) i Njemačkog društva za međunarodnu saradnju (GIZ), završen je u četvrtak u Neumu. Samit, na kojem je učestvovalo više od 400 predstavnika sektora, zakonodavne i izvršne vlasti, privrednika, nevladinih organizacija i medija, nastavak je dijaloga ključnih aktera s ciljem unapređenja regulatornog okvira, otklanjanja prepreka za investiranje i stvaranja povoljnijeg tržišno orijentisanog ambijenta. Prisustvo većeg broja parlamentaraca različitih razina, pokazalo je spremnost zakonodavne vlasti da boljim razumjevanjem sektora i strateških pristupa njegovog unaprijeđenja lakše dođu do konsenzusa o reformi sektora i konačnog donošenja Okvirne državne strategije BiH za energetiku.

Na otvorenom tržištu električne energije u posljednjih 12 mjeseci u BiH ipak je došlo do povećanja liberalizacije tržišta, naglašeno je na samitu, time što je više od 60 domaćih preduzeća promijenilo snabdjevača strujom nakon dobijanja jeftinije cijene na tržištu dok je znatno veći broj postigao bolju cijenu nakon pregovora sa domaćim elektroprivredama. Prisutni privrednici su poručili da je potreban novac za početak ulaganja u energetska efikasnost, koja bi potom pokrenula domaću industriju materijala, opreme i usluga, te tako stvorila i nova radna mjesta u zemlji. Procijenjeni potencijal energetske efikasnosti u BiH, čulo se na samitu, iznosi više od 5 milijardi konvertibilnih maraka.

Na skupu je također rečeno da je proizvodnja električne energije iz obnovljivih izvora u 2016. godini porasla za 62 posto u odnosu na prethodnu, ali da je za dalji razvoj proizvodnje potrebno unprijediti zakonodavni okvir i završiti Okvirnu energetska strategiju BiH za radi lakši pristup investitora u ovoj oblasti.

I na ovom samitu velika pažnja posvećena je saradnji medija i ključnih aktera energetska sektora i njihovom boljem razumijevanju, kako bi pravodobna i puna informacija o reformi sektora i otvorenom tržištu energijom došla do svakog građanina u BiH.

Uz podršku američke i njemačke vlade, Treći energetska samit organiziran je pod pokroviteljstvom Ministarstva vanjske trgovine i ekonomskih odnosa BiH (MVTiEO), Državne regulatorne komisije za električnu energiju (DERK), Regulatorne komisije za energiju u Federaciji BiH (FERK) i Regulatorne komisije za energetiku Republike Srpske (RERS).

Izvor: indikator.ba